



ЯМДЕ ЛИЙ

1933 ий 1 февраль годсек лектеш.

0+




Газет —
эн шерге пөлек

ПОДПИСКЕ!

Снимкым Татарстан Республикасы Мамадыш район Кугу Шия школгыч Наталья Сидорова колтен. Тиде школышто марла газет ден журнал-влакым куанен вучат. «Ямде лийжым» кидышт гычат огыт мучыштары.

Тўшка подписке — газетнан 85 ияш лўмгечыжлан эн кугу пөлек.



Рекламе.

— Скейтбордын озаже ынде мый улам! — роликан онам кидышкыже кучымеке, йывыртен кычкырале Морко район Коркатово лицейын тунемшыже Ангелина Огнева (снимкыште). Тыгай пөлеклан кузе от куане?! Эртыше лотерей модышышто Ангелинан коваже, Н.Н.Огнева, тўн призым модын налын. Курыкйымал ялыште илыше Нина Николаевна уныкаже-влаклан йоча газетлан подпискым эре ышта. А Ангелина — «Ямде лий» газетын юнкоржо.

Вес лотерей модышын тўн призше, **ВАТРУШКО**, ала тыйын лиеш? **Тидлан теве мом ыштыман:**

- ◆ 2018 ийын кокымшо пелыжлан «Ямде лий» газетлан подпискым ыште;
- ◆ квитанцийжым але копийжым редакцийыш колто.

Лотерейын учредительже — «Ший памаш» сылнымут фонд. Вуйлатыше — В.В.Краснов.

10 гыч 20 май марте Россия мучко подписке декаде эрта. Газетлан шулдынрак возалташ лиеш. Ак — 259 тенгеат 98 ыр.

Электрон подпискымат ыштыза!

Газетын индексше: П4696.

Пошкырт да Татарстан кундемлаште илыше-влакат лотерей модышыш ушнен кертыт.

Ойыртемайтше серыш

Кызыт кажне йочан телефон дене ятыр жап минчел, лишыл енем-влак сото телефонжо уло вурсат. А вет мый уро-лудын деч посна иленжат клан презентацийым, ок кертла чучеш. Южыжым докладдым ялдылем! телефоньшто «кечен», 7-12 телефоннын сай велже шагатым йомдара. Мыят теве кушто! Удамогыржы-

мат палем, сандене каласыме шуэш: тунемше еялан ончыко каяшыже чаракым идагыште.

Чикита С МИРЧОВ.
Морко, Шўргыял.



Уверлан уло вер

11 майыште Всероссийский олимпиадын регионсо да Россиясе этаплаште сеныше тунемше-влакым Йошкар-Оласе Ломоносов лумеш лицейыште торжественно саламленыт. Россиясе этапыште Марий Эл гыч 17 удыр-рвезе 12 предмет дене танасен. Ныл тунемше: Мария Филиппова (Политехнический лицей-интернат, 10-шо кл.) руш йылме дене, Евгений Ромах (Йошкар-Ола, 28-ше номеран лицей, 11-ше кл.) географий дене, Бауман лицей гыч Мария Губайдулина (9-ше кл.) искусство дене да Игорь Петров (11-ше кл.) физкультур дене – призёр лийын.

9 майыште «Бессмертный полк» радамаште Марий Эл Правительствын енже-влакат эртенят. Нуно Совет Ушем Герой лумым налше марий салтак-влакын портретыштым кучен ошкылыныт: Вуйлатыше А.А.Евстифеев – Василий Иванович Соловьевыным (Морко район гыч), Правительство вуйлатышын икмыше алмаштышыже С.Сметанин – Константин Прокофьевич Кутрухиныным (Юрино кундем), Совет Федерацийыште тунямбалсе паша шотышто комитетым вуйлатыше К.Косачев – Зинон Филиппович Прохоровыным (Волжский районеш шочын-кушкын).



Йошкар-Олаште «Бессмертный полкыш» 16 тужем ег лектын.

Марий Эл Республикашыште «Тоштер-влакын йудышт» акций тений 19 майыште луммо гана эртаралтеш. Тидын шотышто Национальный художественный галерейыште пресс-конференций лийын.

Тоштер-влак мом сөрат?

Акцийышке еш дене ушныза! Тоштер-влак унашамычым пагален вучат!

Акцийыш Йошкар-Оласе чыла музей ушна. Тыгак Козьмодемьянскысе тувыра да историй тоштер комплекс, Шернур, У Торъял посёлкыласе тоштер-влак йоча, ача-ава, коча-кова-влакым вучат. Музей пашаен-влак түрлө у йоным кучылтыт. Мутлан, Йошкар-Олан историй тоштерже, самокат дене куда-лыштын, рүдола дене лишкырак палымым ышта. Але руш конга воктене архангельский мугиндым күэшташ ўжеш. Йоча тоштер-ончер рүдерыште «Йоча – йочалан» мастер-класс ойыртемалше тусым пурта. Кажне тоштерыште шуко түрлө модыш, экскурсий, шоу, путешествий да молат темлалтыт.

Л.ГРИГОРЬЕВА.

Эх, куржталына!

15 майыште Волжский районсо Пөтъял школышто В.Мартьяновын призшылан шошо куржталмаш луммо гана эртаралтеш. Тушто йоча-садыш коштшо нюга-влак да изирак класслаште тунемше икшыве-влак танасат.

– Моло район гычат икшыवेशамыч ушнен кертыт, – ойла мероприятийым ямдылыше В.Н.Мартьянов.

З.КУДРЯШОВА.

«Мотор лиймет шуэс гын – куржтал! Ушан лийнет гын – куржтал! Тале, виан лийнет гын – куржтал!» – ойленят акрет грек-влак.



Кроссвордым ыштыме годым калло-рий шагалемеш.

Медведево район Шойбулак селаште воин-землякышт-влакым шарныме лумеш Мемориальный памятником почыныт.

Лисын лудмо годым шинча чотрак ноя.

Икмыше кудырчо марте мланде огеш ыре.

Марий просветитель Тихон Ефремовын шочмыжлан 100 ий темме лумеш таче Морко район Унчо селаште торжественный митинг лиеш.

Тулотым ылыжтымылан – 4 тижем теңге штраф.

Курчак театр да И.Палантай лумеш тувыра да сымыктыш колледж 9-11-ше класслам пытарыше-влакым курчак театрын актёржылан тунемаш пураш ўжыт.

Кугезе кочана – шүмыштына



Мый «Бессмертный полк» радамыште Ярасим кочамын фотосүретшым кучен ошкылынам. Кочам армийыш У Торъялысе РВК гыч 1939 ий 15 январьште каен. Кугу Отечественный сарым Рязань олаште вашлийын. Тунам тудо 126-шо артиллерий полкышто служитлен. 1942 ий марте разведчик лийын. Сусыргымеке, Камышино олаште эвакогоспитальште эмлалтын. Сөгымаш кече марте снарядым, боеприпасым шупшыктен. Мөнгө 1945 ий 25 октябрьште пörтылын.

Анна ЯМИДАНОВА.
Советский посёлко.

Мемнан кугезе кочана-влак Сөгымаш кечым лишемдаш полшенят. Константин Васильевич Васильев 1943 ийыште Днепр воктене крдалмаште коллен.



Вес кугезе кочана, Василий Прокопьевич Прокопьев, старшина лийын. Война корнын эртымек, колхоз озанлык пашаште тыршен. Тений меат кочана-влак дене пырля «Бессмертный полкышто» ошкылна.

Лиана ден Диана СЕМЁНОВАМЫТ.
Марий Турек, Арбор.

Сөгымаш

Козьмодемьянскысе «Паллада» парус клубын юнгаже-влак 9 майым «Артек» тўнямбал йоча рўдериште вашлийыныт. Тушто «Мемнан Сөгымашын эртыме корныжо» смене эрта. Российысе 34 регион гыч 322 самырык моряк погынен. Нунын коклаште – Марий Эл гыч кандаш моряк-юнармеец. Сменыш толшо-влак кокла гыч 73 патриот Севастополь оласе Нахимов площадьыште Сөгымаш парадыште салтак стройышто ошкылын. Козьмодемьянск гыч юнга-влак чыланат логалыныт.



Т.КОНАКОВАН фотожо.

Шернур район Кукнур школын 2-шо классыштыже тунемше-влак Российысе школьник-влакын толкынышкышт ушненыт. Строй да муро смотрышто нуно ончыл верыш лектыныт. Эн сай командирлан Надежда Кошпаевам шотленыт.

7-ше май. Уремыште шошо. Мотор кече шыратен онча. Тыгай сылне кечын Раисия павай деке ошкылна. Тудым Сөгымаш кече дене саламлышна. Почеламутым лудна, муровлакым йонгалтарышна.

Раисия Алексеевна Авдеева – тылысе пашан труженикше. Сар тўналме жаплан 10 ияш лийын. Пеш шуко неле-йöсым чытен. Аваже илыш дене чеверласен, ачажым трудовой фронтыш нангаеныт. Кум йоча тулыкеш кодын: Анна акаже 17 ияш, а Нина шўжарже кок ияш лийыныт.

Анастасия МИХАЙЛОВА.
Волжский, Кугу Корамас.



Раисия павайын пöрт ончылыжо куштырам эрыктышна. Моло шонгыен-влаккланат полшаш кумыланга. Нунылан шуко огеш күл – поро кумылна да весела шинчаончалтышна эн шергакан.



Шонгыенлан полыш



Акrostих

Талешке!

Арам лийын огыл тыйын пашат.
 Лүметым шүктарен отыл нигуштат.
 Ен мландыште калыкетым араленат,
 Шуко подвигим ыштенат –
 Канде кавам мыланна пөлекленат.
 Ешартышлан вуйын пашалан шогенат.

Тыште сайын тый илет.
 Ынде сар уке мландыштет –
 Йоча-влак модын юарлат.

Лийже тыныслык чыла вере –
 Илыш сай,
 Йырымваш чылажат тўзлана сылнешт.
«Юнкор» сылнымут кружок.
Советский, Кукмарий.

Почеламутын кажне корнылажын
 тўналтыш букважым лудмек, мут
 але ой лектеш – тиде акро-
 стих лиеш.



Онар мланде

27 апрельште Сенькан школын изи-
 рак ийготан «Пыл» группышто «Онарын млан-
 дыштыже» путешествий сынан занятий эртен.
 Йоча-влак Онар патыр нерген преданийым
 колыштыныт, сўретым погеныт. Ший мундыра
 почеш Онарын мландышкыже путешествийыш
 тарваненыт. Чодыраште кайык мурым колыш-
 тыныт, туштылан вашмутым пуэныт, ир янлык
 семын коштыныт. Ошла энер гоч вончымеке,
 Сенькан ял деке толыныт. Ялын макетыштыже
 йочасадым, школым муын, нунын нерген калас-
 каленыт. Кажне вере «Марий йылме» кружо-
 кышто тунемме мут-влакым ушештареныт.

В.В.СМОЛЕНЦЕВА, воспитатель.
 Медведево район.

Мутшо чонешем возо

Вўдшор тылзын 18-ше кечынже Зеленогорск
 школьшкына «Кугарня» газет редакций гыч шерге
 уна-влак толыныт. Ме уло кумылын вашлиймашке
 погыненна. Самырык журналист Анастасия
 Эманова шке пашаж нерген каласкален.
 Фотокорреспондент Иван Никандрович Речкин
 марий йылмынан пояныкше нерген ойлен.

Валерия МИХАЙЛОВА.
 Морко, Зеленогорск.

Кузе тудо почмо
 йылмыжым йората,
 тудын дене кугешна,
 мокта да тидымак самы-
 рык тукумлан шындара
 – теве тыгай шонымаш-
 ке шуым мый ваш-
 лиймаш деч вара.

Калык ойпого

Кок книга

Шорлыкеш кок книгаг верандыме: икымшыже
 мотор коман, акшат шерге, а кокымшыжо шулдакан-
 ла коеш. Оза шергакан книгаг лудмеке ойла:

– Ни ушеш ыш код, ни шўмеш ыш логал!

Шулдакан книгаг лудмеке, вигак шортын
 колта. «Тидеч сай, чонеш логалше книга
 уке», – манеш. Но шор-
 лыкеш кок книгагже
 кода. Иктыжым – чон-
 лан, а весыжым – шер-
 гакан, чапле книгаг уло
 манын, уна-
 в л а к л а н
 ончыкташ.




**Книга айде-
 мым туныкта, тудым илыш дене тўр нўлта.**
 Ким Васин.

Ныл эрге да ик ўдыр

Шернур район Шўдымарий школын 9-ше клас-
 сыштыже 4 эрге да 1 ўдыр тунемыт. Тиде ўдыр-
 лан рвезе-влак коклаште пеш сай але мўнгешла?
 Настя Афанасьева (**снимкыште**) шыргыжалын
 мане: «Шагал йочан классыште тунемаш пай-
 даде: келге шинчымашым налат. Туныктышо-
 влак кажне кечын вашмутым йодыт. Пырля
 тунемше йолташем-влак поро кумылан, сай
 улыт. Кўлеш годым икте-васылан полшена».

Л.ГРИГОРЬЕВА.



Толмемым вуча

Ковам Lidия Тихоновна Тихонова 1938
 ийыште Марий Купто ялыште шочын. Шым клас-
 сым тунемын пытарен. Тудо латвич ияшак кол-
 хозышто пашам ышташ тўналын. Волькым
 ончымаште тыршен. Колхозышто
 шуко жап пашам сайын ышты-
 мыжлан «Пашан ветеранже» чап-
 лўмым пуэныт. Кызыт ковам
 сулен налме канышыште. Тудо
 кажне эрдене мыйым школьш-
 ко ужата да толмемым вуча.
 Ковай, мый тыйым пеш йора-
 тем.

Дарья ТИХОНОВА.
 Марий Турек школ.





В.В.Крыловын пелашыже Галина Николаевна ден Мариана ўдыржӧ – «Ямде лий» газетын тўн редакторжо Л.В.Семенова дене пырла.

Диана Борисовам (2-шо номеран Морко школ) саламлат. Волаксола школын тунемшыже-влак Владимир Назаров ден Анатолий Фёдоров (ўпыл снимкыште).

Лач пырляште весела –

тыгай лўман пайрем 4 майыште Василий КРЫЛОВЫН шочмыжлан 65 ий темме лўмеш Морко районысо Арын школышто эртен.



Унчо школ гыч Ариана Оразаева ден Ангелина Нигаматзянова

Моло фотом vk.com/yamde_lii электрон адрес дене ончыза.



Света Андрианова, Виктор Николаев, Данил Новиков (Арын) сценкым модыт.



Д.ГРИГОРЬЕВАН фотожо-влак.

4 майыште «МАРИЙ ЮНКОР» Морко районышто «МАРИЙ ЮНКОР – 2018» слёт вашка! проектам илышыш шындарышна. «Сылнымут шошо» семинар дене пырла эртарыме слётыш районысо 70 утла юнкор погынен. Нунын деке туныктышо-влакат ушненыт.

тендан дек вашка!



«ПОЭЗИЙ» тўшкам Марий кугыжаныш университетын студенткыже, «Ямде лий» газет редакцияыште пашам ыштыше Христина Александрова вуйлатен. Тудо почеламутын чоңалтмыже нерген умылтарен, юнкор-влак шке возымо почеламутыштым лончыленыт.

«ЖУРНАЛИСТИКЕ» тўшкаште (вуйлатыше – редакций пашаен Людмила Григорьева) СМИ-н тўрлӧ лиймыж нерген мутланеныт, жанр-влак дене палыме лийыныт.

«ПРОЗО» тўшкаште «Ямде лий» газетын тўн редакторжо Лидия Семенова сылнымутым возымаште ныл «шӧртньӧ» правил нерген каласкален.


Проект «Ямде лий» газетын 85 ияш лўмгечыжлан пӧлеклалтын.

Тиде проект тений «Марий Юнкор» слётым алмаштен. Журналист да сылнымут мастер-влак, районлашке да школлашке лектын, возаш туныктымо сынан мастер-классам эртарена.

М.А.Кастрен (Финляндий) ушемн полшымыж дене эртаралтеш.

Н.СЕМЕНОВАН фотожо-влак.

«Марий кундемысе спортсмен-влак» 8-ше класслан урок



Күкшö категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш марий йылме урокым вудышö О.Н.ВАСЕНИНА ямдылен.

1 Предложенийым мучашлыза.

1961 ийыште «Дружба» стадионым _____.
2007 ийыште тушто _____.
Кызыт стадион Европысо _____.
Трибунылашке иканаште _____.
Ареныже искусственный _____.
(реконструкцийым ыштеныт, 12 тужем ег пура, стандартан улеш, почыныт, шартышан)

2



Текстым чогыза.

1. Зинаида Дружининан шочмо верже.
2. Тале да пенгыде койышан лийын.
3. 1968 ийыште Мексикыште олимпиадыште.
4. Чылаже 44 медальже уло.
5. Кугу спорт гыч кайымеке.

4

Чын вашмутым кычалза.

Зинаида Дружинина	баскетболистке, олимпийский чемпион
Тамара Калягина	ечызе, олимпийский чемпион
Нина Селюнина	гимнастке, олимпийский чемпион
Людмила Лебедева	дзюдоист
Игорь Балыбердин	куржталше
Лариса Черепанова	ийше
Римма Пальцева	сутка мучко куржталше

3

Предложенийым марлашке кусарыза.

- Х В.Н.Исаев родился 24 января 1954 года в деревне Исай починга Сернурского района.
- Х После 8 класса учился в Оршанском педучилище, потом закончил факультет физвоспитания Марпединститута.
- Х Во время службы он на разных соревнованиях защищает честь Советской Армии.
- Х Уйдя с большого спорта, он несколько лет работал тренером.
- Х Каждый год в Сернурском районе проводится соревнование в честь памяти В.Н.Исаева.



5

Чын предложенийым ойырыза.

- А. 1.Физкультур да спорт физзарядке гыч тўналыт.
- 2.Физкультур да спорт физзарядке гыч тўналеш.
- 3.Физкультур да спорт физзарядке гыч тўналаш.
- Б. 1.Древнегреческий врач да шанчызе Гиппократ гимнастикым ышта.
- 2.Древнегреческий врач да шанчызе Гиппократ гимнастикым ыштен.
- 3.Древнегреческий врач да шанчызе Гиппократ гимнастикым ышташ.
- В. 1.А.С.Пушкин йольече дене мунчалта.
- 2.А.С.Пушкин йольече дене мунчалташ.
- 3.А.С.Пушкин йольече дене мунчалтен.
- Г. 1.А.В.Суворов походлаште чыла йöсылыкым чыташ.
- 2.А.В.Суворов походлаште чыла йöсылыкым чытен.
- 3. А.В.Суворов походлаште чыла йöсылыкым чыта.

6

Мут-влакым марлаш кусарен, яра верым темыза.


Марий Эльшке _____ (Олимпийский огонь)
У ий деч ончыч конденыт. Телымсе Олимпиадын историйыштыже «Сочи – 2014» эстафете (самый длинный) корным эртен. Йўла почеш Олимпиадын тулжым _____ (в Греции) чўктеныт. Тушеч 2013 ий 6 октябрьыште Москвашке _____ (отправили). Эрлашыжым _____ тулын эстафетыже _____ (по России) тўналын. Олимпийский тулым _____ Российын _____ (в разные места) латныт тўжем факелоносец намиен шуктен.



7

Йодышлан вашмутым пуыза.

Физкультур, спорт да туризм факультет могай тунемме заведенийыште уло? Тиде факультетым тунем пытарымеке, могай профессийым налаш лиеш? Физкультурым туныктышо-влакым эше кушто ямдылат?



Тау, шошо

Йырваш сынне, ончо!
Тидым конден шошо.
Ужаргыш олыкышто шудо,
Пеледалте папашудо.

Ме шошылан куанышна,
Уло йўкын кычкырална:
– Толметлан тау, шошо!
Чонлан лие шокшо.
Михаил АЛЕКСАНДРОВ.
Морко, Коркатово.

Улыт тыгай-влак,
Койыт «пывылак»:
Ончылнет – ласка,
Шентгелнет – ...



Евгениян сўретыш-тыже мыняр янлыкым муыда?



Евгения ШЕХУРДИНАН сўретше.
Шернур, Казанский.
Туныктышо: Л.И.Петухова.

Мастар кид



Конкурс

Кажне ийын Москваште да Санкт-Петербургшто «**Ты – Легенда**» фестиваль эрта. Тўрлө арт-площадкышке начаррак тазалыкан уста йоча-влак чумыргат. Нунылан Российын калык да сулло артистше, тўвыран, сымктышын лўмлө пашаенгышт-влак мастарлык классым ончыктат.

Сеныше-влаклан тунемме тонежлаште яра тунемаш, тўнямбал фестивальлаште участвоватлаш йон ышталтеш.

«Ты – Легенда» VIII тўнямбал фестиваль 30 май гыч 1 июнь марте Москваште эрта.

Историйым шергалына

1944

ий 12 май – Крым фашист тўшка деч тўрыс утарыме кече. Кугу Ачамланде сар годым Крым наступательный операций (1944 ий 8 апрель – 12 май) ик эн кугу да кўлешанлан шотлалтын. Тудын тўн шонымашыже Крым полуостровым утарымаш лийын.



Офицер ачам ден Парадыш каена.

Сўретым чиялте.

Тидым палаш огай

1897 ийыште

Российыште икымше гана перепись эртен. Тунам ятыр миллион ен фамилийдыме лийын.

Кодшо курымын 1930-шо ийлаштыже паспортм пуэдаш тўналыныт. Тунам ен-влак фамилийым наледеныт.

Российысе шымлызе-влак кумдан шарлыше коло фамилийым пален налыныт. Нунын коклаште: Смирнов, Иванов, Кузнецов, Попов, Соколов да молат.

Закон почеш паспортм 14 ийым темыше-влаклан пуат. Паспортм налше самырык ен Российын гражданинжылан шотлалтеш.

Илышым утарена

Марий Элыште «Илышым пырля утарена!» наркотик ваштареш да таза илыш-йўла верч ўжшө социальный рекламе конкурс мучашлалтын. Чылаже 58 паша пурен. Эн сай рекламыв Алексей Санников ыштен, пашаже «Ит нал!» маналтеш. Умылышда, очыни, аяран наркотикым кучылтмо ваштареш. МарГУ-н студентше-влакын видеороликышт икымше верым налын. Журеште МВД-н пашаенже-влак лийыныт, нуно эн сай буклетлан «Илышын кок велже» пашам шотленыт.


Л.ВАСИЛЬЕВА.



Уна Лияш келша


Шым ияш
Веня Петухов (**сним-
кыште**) Кужӓнер посел-
кысо «Йошкар ушш» йочаса-
дыш коштеш.

«Мый уныка улам, – манеш
изи рвезе. – Мураш, пашам
ышташ йӧратем. Кочамым моткоч
пагалем. Тудлан пашашкыже чайым
нумалам». Венян коча-коваже
Шернур районысо Пӱнчерйымал
ялыште илат. Уныкалан нунын
дене уна лияш пеш келша.



Д.ГРИГОРЬЕВАН фотожо

Тыште
чылаже
мыняр
квад-
ратым
муыда?
Вашму-
тым
колты-
за.



Канде тувырым чиен.
Корем мучко
Ньога семынак куржеш.

Имне кудалеш –
мланде чытырна.



Синквейн


Пеледыш
Мотор, сӧрал.
Шочеш, ӱпшалтеш, волгалтеш.
Олыкысо пеледыш – пӱртӱс.
Тамга.

Кристина ЗОРИНА.
Морко, Эгерсола.



1. Шкетын веле, шӱдӧ
имным вашталта. 2. Шуко ен.
3. Марла – йолорва, рушла – ...
4. Чодыраштат, пак-
чаштат шочын кер-
теш. 5. Ушым пуа,
шинчымашым келгемда. 6.
«Шомак» вес семынже.
7. Нылле вич минут кая.
8. Карандаш дене возымым
ӱштын кертеш.


Дмитрий АРХИПОВ.
Морко, Коркатово.



Парня модыш

Кече, кече,
шыргыжал
Да пеледышым ончал!
Тыйым ужын салыштем
Пеледеш пеледышем.
Эркын-эркын почылтеш,
Лай мардеж
ден лӱнгалтеш.

Алёна ЯКОВЛЕВА.
Йошкар-Ола.



10 ойыртемем му.

Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 955.
Формат – А-4-8.
Директор-тӱн редактор
Л.В.Семенова

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс)

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашашт
шотышто министерстве, «Ямде
лий» газет» кугыжаныш уни-
тарный казна предприятий.

Газетым редакцийыште пог-
мо да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Массовый коммуникаций
сферыште да культур наследиим арал-
лымаште законодательством шуктен шо-
гымым эскерыше Федеральный службыв
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

Газетым Печать да массовый
коммуникаций шотышто
Федерал агентствын окса
полышыж дене лукмо.

0+

Соцсетьысе адрес-влак:
ok.ru/yamdellii
vk.com/yamde_lii

Авторын да редакцийын шоныма-
шышт тӱрлӧ лийын кертыт. Се-
рыш-влак мӱнгеш огыт колталт.
Ак – кутырен келшыме почеш.

Редакцийын да издательын адрес-
ше: 424006, Йошкар-Ола, СССР
Вооружӓннй Вийын
70-ше идалыкше урем, 20
(юридикский)
Энерӱбал Амстердам, 1
(фактический).